

Zeitschrift: Annalas da la Societad Retorumantscha
Herausgeber: Societad Retorumantscha
Band: 39 (1925)

Artikel: Poesias
Autor: Melcher, Anton
DOI: <https://doi.org/10.5169/seals-197332>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

POESIAS DA ANTON MELCHER

La tevla Dr. Coaz

Hoz vain al grand nos inspectur,
Prüm ascensur del piz Bernina,
Da sieus amihs in grand' onur
Salvo 'na festa pellegrina.

A Dr. Coaz vain hoz eret
In pia grata regordaunza
Ûn simpel pegn sper il vadret,
Sül munt Boval in quaid' avdaunza.

Avaunt tschient ans la glüsch del di
Scuvrit al muond' na frais-cha plaunta,
Chi cun bun gnierv geet landervi
Ad operer, infliger spraunza.

La tevla serva da simbol
All' orma netta simpla sia —
Chi marcha dretta scu' n idol:
Que ais per nus memoria pia!

23. Lügl 1922.



Festa federela

Quiett' ais la saira e cler dapertuot,
La glüsch piglia praisa süls ots e giò suot.

Ils fös stimuleschan la vaira amur
E simboliseschan la pèsch cun ardur.

Ils sains hoz anzunzian la ferm ' uniun,
Cha'ls Svizzers pronunzian in lur oraziun.

Però l'armonia füss puolvra al vent,
Scha mauncha güstia a sieu aderent.

Perque cun tschertezza sbüttain que ch'ais vil
E tgnain in fermezza il saun e fertil.

Acciò cha la lia dels confederos
Chatter poss' acquia fidels attachos:

Amur per la patria dess minchün avair —
Agüd alla patria ais sench nos dovair!

1. Avuost 1924.